

POASJGEDANKE.


Herregödsje, wie lang is 't noe wer geleie,
Dat d'r miensj, gelukkig en tsevreie,
Oeskieket mit hoffnung in zie hats
Noa 't Fes van gans nui lit en leave,
Wats Doe vuur nuus de welt koams geave
Noa ing tsiet va doonkergries en sjwats ?

Herregödsje, dea wierooch, doe i gen kirch geroache,
Wie lang hat d'r miensj dem al nit mie aa-gesjtoache
En vervange durch ee sjokolade-ei ?
De klokke, die tseruk va Roème koame
Doonge de luuj wer frisjer oame
En gove leavesvruid doa-bei.

Herregödsje, dinkste noch wel 'ns tseruk
Wie doe ganse familiges op bezuk,
Bei diech in de Hoêms waore ?
D'r Pap i zieng sjtriefte bôks en sjlippe jas,
De Mam in 't bedste kleed oes de kas,
De kinger mit frisj-gekemde hoare.

Herregödsje, wits-te nog wie me tser Kommelejoên goong,
D'r Kirchekoer de sjunste Latiense Messe zoong
En de Poasjkeats nui lit ôs braat ?
Wie noa de Mès d'r miensj tse wade sjtoong,
Ziech gegenzetig de bedste wunsje doong
En nog "Ziêlig Poasje" woêd gezaat ?

Herregödsje, mit Kyrie, Gloria, Credo en Sanctus
Maachet d'r miensj al hiêl lang sjloes.
De Vaste woêd wiet voet gesjtôche.
Umdat me noe de ganse Mes zitte doong
En noêts miê durch de kneie goong,
Woêd ooch de Kommelejoênsbank aaf-gebrôche.



Herregödsje, huuëts-te d'r miensje noe Hollensj zinge ?
Egewies van ziech-zellever vinge,
Dat hea 't noe ràm vonge hat ?
Um oane Missaal in d'r "Dienst" tse ziê,
Want "ing Mes huuêre" deed hea nit miê.
Dat "Ouwerwetse" moêt nui plat.

Herregödsje, has-te die groête sjokolade-eier geziê ?
Gekluurde honder-eier wilt d'r miensj koom nog miê.
Hea wilt ummer miê gèlle mit zie geld,
Vergit doabei aan Diech tse dinke,
Geet doadurch ummer wiêr zinke
In ziang ege "consumptie-weld" !

Herregödsje, went 't nit tse veul gevraagd is
En Doe mængs dats-te nog nit tse veul geploagd bis,
Han iech nog ênge wonsj d'r-bei:
Vroag an d'r H. Gees, vûur de Pinkster-tsiet,
Meschien ken hea 't noe graat nog kwiet:
Eng noêedlanding vuur al ziang kinger hei !!

Herregödsje, iech doê benoa zeker wisse,
Wënt d'r H. Gees dat deung besjlisse,
Geung d'r miensj gèt angesj dinke.
Dà wuur Poasje wer Poasje, wie 't woar.
Zeug me Diech wer duudlich en kloar
En kuuêt, oes dank, op de kneie zinke !!

Ziêlig Poasje 1991

EMATE